

全

金

诗

全

金

詩

御訂全金詩增補中州集卷三十八

金元好問原本

呂陳州子羽

四首

子羽字唐卿大興人大定末進士仕至陳
州防禦使元光末爲酷吏所誣以乏軍興
繫獄比赦至唐卿自縊死朝臣有辨其冤

者詔復官希顏爲制辭云毀譽之來在仁
賢而不免是非之論至久遠而乃公人謂
唐卿於此語爲無媿屏山故人外傳呂氏
自國朝以來父子昆弟凡中第者六人以
六桂名其堂貞幹字周卿尤自刻苦酷嗜
文書著碣石志數十萬言言近代以來事
迹幽隱謫怪詆諧朝評無所不有有身官
論正統獨異衆人謂國家止當承遼大忤

章廟吉謫西京運幕量移北京致仕自號
虎谷道人晚年感末疾又號呂跛子自任
傳以見志閒閒公亦以爲罵志君子也弟
士安字晉卿卿雲字祥卿子鑑字德昭皆
名士唐卿其從子云

補歸潛志呂陳州子羽字唐卿大興人少
爲名進士擢第南渡爲左司郎中坐事免
官後同知開封府遷陳州防禦使時軍旅

數興戶口逃竄公因以實聞於朝而小人
李煥以爲不憂國失軍儲下吏當死公耻
之縊於太康驛後朝廷知其無罪復其官
公入仕以能稱讀書爲文有士大夫風致
死非其罪天下傷之

廣平道中

風色著鰲面霜華侵老鬚昏埃埋故驛積雪緜修
途凍岫新詩句寒林古畫圖夜寒孤月上天地一

冰壺

宿章義廣勝寺

小邑本無事我來勞簡書路長頻問馬人靜厭烹
魚鐘冷僧參外燈殘客夢餘此心誰領會松月夜
窓虛

至日

歲晏多風雪官閒深屋廬小詩窮則變美酒數斯
疏未草歸田賦空翻引睡書窓明添眼力已覺日

全金言卷三十一
三
光舒

李白醉歸圖

春風醉袖玉山頽
落魄長安酒肆迴
忙煞中官尋不得
沉香亭北牡丹開

趙鹽部文昌 一首

文昌字公權平陽人明昌二年進士仕至
遼東路鹽使博學好持論周常山甚愛之
子觀字維道從事史院資謹厚不忤於物
閒閒許其字畫進進不已可到古人云

軍中寄親舊

軍中從事鬢絲垂把釣江湖與願違紅葉關河爲
客久黃花時節寄書稀霜天不盡孤雲遠秋意無

聊一鴈飛鄉社故人應念我豈知南望更依依

軍中寄懷詩

聞聞其書數數不日西陸古人

金馬家前族翁事史劉資籍臥不并然

蘇東祖盟封爵學我共儲保常山甚愛之

文自字公蘇平則人即昌二公並士封

蘇盟詩文

韓內翰玉

二首

玉字溫甫其先相人五世祖繼寧仕石晉
爲行軍司馬從出帝北遷居析津曾孫知
白仕遼爲中書令孚爲中書門下平章事
賜田盤山遂爲漁陽人曾祖錫字難老仕
國朝以濟南尹致仕溫甫明昌五年經義
詞賦兩科進士入翰林爲應奉應制一日
百篇文不加點又作元勲傳稱旨道陵歎

口勲臣何幸得此家作傳耶泰和中建言
開通州路水漕渠船運至都陞兩階授同
知陝州東路轉運使事大安三年都城受
圍夏人連陷邠涇陝西安撫司檄溫甫以
鳳翔總管判官爲都統府募軍旬月得萬
人藉秦州場買馬官香及鳳翔冒買馬七
百寶雞埋沒官鐵他州郡弓弩數千以給
軍出屯華亭與夏人戰敗之獲牛馬千餘

時夏兵五萬方圍平涼又戰於北原夏人
疑大軍至是夜解去當路者忌其功驛奏
溫甫與夏寇有謀朝廷疑之使使者授溫
甫河平軍節度副使且覘其軍先是華州
李公直以都城隔絕謀舉兵入援而溫甫
恃其軍爲可用亦欲爲勤王之舉乃傳檄
州郡云事推其本禍有所基始自賊臣貪
容姦賂繼緣二帥貪錮威權旣止夏臺之

師旋致會河之敗又云齊魏以高壘爲能
堅蒲絳以穿空爲得計裹糧坐費盡膏血
於生民棄甲復來竭資儲於國計要權力
而望形勢連歲月而守妻孥又云命令不
至京師奈何眊眊四集之師懸懸半歲之
上人誰無死有臣子之當然事至於今恐
君親之弗顧勿謂百年身後虛名一聽史
臣只如今日目前何顏以居人世公直一

軍行有日矣將佐違約國朝人不從者
輒以軍法從事京兆統軍便謂公直據華
州反遣都統楊珪襲取之皆置極刑公直
曾爲書約溫甫溫甫不預知其書乃爲安

撫所得

公直書三一與京兆宣撫一與溫甫一與楊珪故京兆軍得因書襲

華州及使者覘溫甫軍且疑預公直之謀卽

實其罪溫甫赴官道出華州被囚死於郡
學臨終書二詩壁閒士論冤之溫甫先賦

怪松云昂藏殊未展偃僂旋自縮惜爾雲
外姿耐此胯下辱又云木高衆必摧地厚
敢不跼河中皆汎汎淵底自鬱鬱未幾破
禍人以爲識云子不疑字居之小字錦郎
以父死非罪誓不祿仕丙申之夏過子冠
氏出其父臨命時手書云此去冥路吾心
皎然剛直之氣必不下沈兒可無慮世亂
時艱努力自護幽明雖異寧不見爾子爲

之慨然

補歸潛志韓府判王字溫甫燕人少讀書

尚氣節擢第入翰林爲應奉文字後爲鳳
翔府判官大安中北兵圍燕都夏人連陷
邊城陝西帥府檄溫甫爲都統募軍得萬
人出屯華亭與夏人戰敗之而溫甫毅然
有勤王志因移檄關中言詞忠壯聞者感
動其檄中有云人誰無死有臣子之當爲